



Inatsisartunut ilaasortaq
Astrid Fleischer Rex, Demokraatit

Orniguteqqusaannginneq, sumiiffimmi aalajangersimasumi uninngaqqusaannginneq qimagutitaasernerlu pillugit inatsimmut tunngatillugu Inatsisartut Suleriaasianni § 37 naapertorlugu Naalakkersuisunut apeqqutinnut akissuteqaat

14. september 2012
Sagsnr. 2012-072631
Dok.nr. 1006809

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Asasara Astrid Fleischer Rex

"2013-miik 2016-mut persuttaasarneq pillugu pilersaarutaat iliuusissanullu Naalakkersuisut pilersaarutaat"-nnut Naalakkersuisut siunnersuutaannut soqutiginninnerit takutikkakku qujassutigissavarput.

Aallarniutigalugu erseqqissaatigissavara siunnersuut sulii aalajangiiffigineqarnikuunngimmat. Naalakkersuisut iliuusissanut pilersaarut kiisalu pilersaarut Inatsisartut upernaakkut ataatsimiinnissannut nassuiaatitut saqqummiuttussaavaat, tassa persuttaasarnerup akiorniarneqarneranut atatillugu sapinngisamik atituumik naalakkersuinikkut isumaqatigiinnissaq anguniarlugu.

Orniguteqqusaannginneq, sumiiffimmi aalajangersimasumi uninngaqqusaannginneq qimagutitaasernerlu pillugit apeqquteqaatinnut tunngatillugu Naalakkersuisunit aalajangiunneqarpoq siunnersuut Inatsisartuni oqallisigineqassasoq. Taamatut aalajangernitsinnut pissutaavoq iliuusissatut pilersaarut pilersaarullu maanna suliarisimaleratsigit, taakkunanilu suliniutit imminnut tapersersoqatigiipput.

Naalakkersuisuni isumaqanngilagut qimagutitaasarnermut assigisaanullu inatsimmik pilersitsinissaq atortunngortitsinissarlu iluaqutaassasoq, tassa inatsimmik atuutsitsinissaq kiisalu ilaqutariit persuttarneqarnermik nalaataqarsimasut ikiorneqarnissaannik kinguneqarluartussamik pilersitsinissaq qulakkeeqqaartinnagit. Tamatumali kingorna qimagutitaasarnermut assigisaanullu inatsit qanoq atuutitsineqassanersoq pillugu periarfissat misissussavagut. Soorlu assersuutigalugu persuttaasimasut qimagutitaasimasut qanoq nakkutigineqassanersut.

Inatsit ilaqutariit persuttaanermik nalaataqarsimasut ikiorniarneqarnerini eqqissisimasumik toqqissisimasumillu sullinneqarnerini sakkussatut iluaqutaasussasoq Naalakkersuisut isumaqatigaat, kiisalu pinaasernernut assigisaanullu killilersimaarinnissalluni. Maannakkorpiaq Naalakkersuisut inatsisip Kalaallit Nunaanni atuuttunngortinnissaa siunertaralugu siunnersuutitut aalajangiiffigisassatut saqqummiunnissaanut pilersaaruteqanngillat. Kisiannili inatsimmi pissutsit assigiinngitsut arlaqartut iluaqutaasinnaasut takusinnaavagut, tamakkuali iluaqutiginiarneqarsinnaapput tassa pisariaqartitat eqqortut pigineqalerpata

Inuulluaqqusillunga

Mimi Karlsen

Ilaqutariissutsimut, Kulturimut, Ilagiinnut, Naligiisitaanermullu Naalakkersuisoq